

**Kalaallit Nunaata Islandillu akornanni suleqatigiinnissaq pillugu
nalunaarutip Reykjavikimi 13. oktober 2022-mi atsiorneqartup
piviusunngortinnejarnissaanut programmi**

Kalaallit Nunaata Islandillu akornanni suleqatigiinnissaq pillugu nalunaarutip atsiorneqartup kingunerisaanik nalunaarummi suliassaqarfiiit pingaarcerutinnejarnissaanut programmiliortoqarpoq. Suleqatigiittussat nalunaarut nutaaq oktober 2022-mi atsiorneqartoq Kalaallit Nunaata Islandillu akornanni nunat marluk akornanni suleqatigiinnermut pingaarnertut tunngaviussasoq isumaqatigiissutigaat.

Islandip Kalaallillu Nunaata akornanni politikkut, kulturikkut aningaasaqarnikkullu attaveqatigiinnerit ukiuni kingullerni annertusiartupiloorsimapput. Tamatuma kingunerisaanik Islandimi naalakkersuisut 2013-imi Nuummi aallartitaqarfimmik pilersitsinissamik aalajangerput kalaallillu oqartussaasui 2018-imi Reykjavikimi aallartitaqarfissamik pilersitsinissamik aalajangerlutik.

Suliassaqarfinni soorlu angallassineremi, takornariaqarneremi, aalisarneremi, niuerneremi peqqinnissaqarnermullu nunat marluusut suleqatigiinnissaat pillugu ataatsimoorussamik nalunaarut Naalakkersuisut Siulittaasuannit Islandillu Nunanut allanut ministerianit ulloq 8. november 2013-mi atsiorneqarpoq.

Nalunaarut alla ataatsimoorussaq 2021-mi septemberimi nunat taakku marluk akornanni attaveqaatit saniatigut pitsangorsarnissaat isumaqatigiissutigalugu Kalaallit Nunaannit Islandimi illu nunanut allanut ministerinit atsiorneqarpoq.

Naalakkersuisut siulittaasuata Islandillu statsministeriata oktober 2022-mi nalunaarumminni nunami akornanni attaveqaatinik pitsangorsaanissamut annertusaanissaminnullu nalornissutigingisaminnik kajumissuseqarnertik uppernarsarpaat siunissamilu suleqatigiinnissamut suliassaqarfiiit uku

pingaernerpaatut toqqarlugit: silap pissusaata allanngoriartorneri, suiaassutsit akornanni naligiisitsineq, ilinniartitaaneq ilisimatusarnerlu, niuerneq, aningaasaqarnikkut suleqatigiinneq aamma kulturikkut suleqatigiinneq. Taakku tamarmik tullinnguuttumi sammisani tamani suliassat nassuiarneqarsimapput:

1. Niuerneq. Kalaallit Nunaata Islandillu akornanni niuerneq pillugu isumaqatigiissutip naapertuilluarnissaanut akornutit periarfissallu suussusersinissaat sulissutigerusappavut.

1.1. Ataatsimoorussamik suleqatigiissitat pilersinnissaannut isumaqatigiissuteqarpoq, taakku naapertuilluartumik niuernikkut isumaqatigiissutissamut periarfissanik misissuinermk naammassisqaqassapput.

1.2. Naammassinnissaassutsimik allaatiginninneq naammassineqareerpat, naapertuilluartumik illugiilluni niuernermut isumaqatigiissuteqarnissamut suliarisassat allassimaffiata ineriartortinnissaanut periarfissat peqataasut oqaloqatigiissutigissavaat.

2. Aalisarneq: Kalaallit Nunaata Islandillu akornanni aalisarneq pillugu isumaqatigiissutinik naligiisitsisunut, naleqquttunut piujuartitsisumillu tunngavilinnut akornutit periarfissallu suussusersinissaat sulissutigissavaat.

2.1. Tunup Islandillu akornanni imartani avaleraasartuut, qalerallit ammassaallu ataatsimoorfigineqartut pillugit Kalaallit Nunaat Islandillu uumasulerinikkut misissuisarnerminnut suleqatigiinnertik pitsanngorsarusuppaat. Saniatigut nalinginnaasumik aalisarneq pillugu ilisimatuussutsikkut suleqatigiinneq illua-tungeriit nukittorsarniarpaat.

2.2 Aalisagaqatigiit ataatsimoorussanik, ilisimatuussutikkut paasissutissat pissarsiarineqarsinnaasut pitsaanerpaat aamma naapertuilluarneq,

naleqqussuseq piujuartitsinerlu tunngavigalugit aalisarnermik isumaqatigiissutit aqtsinissamut Kalaallit Nunaat Islandilu suli nangittumik pisussaaffeqarput. Suluppaakkat ammassaallu pillugit isumaqatigiissutit nutaat 2023-mi iluatsittumik naammassineqarput, aamma peqataasut qalerallit pillugit isumaqatigiissutip assingusumik iluarsaannissaq aallartinniarpaat.

2.3 Kalaallit-Islandimiullu Aalisarneq pillugu ataatsimiititaliarsuata ataani inissisimasussamik Nunat marluusut aalisarnermik inuussutissarsiuteqartunik ilisimasalinnik inuttalimmik suleqatigiissitamik pilersitsisoqarnissaq Islandip Kalaallit Nunaatalu isumaqatigiissutigaat, misissussavaa aalisarnerup iluani tassungalu immikkoortut attuumassuteqartut kalaallit islandimiullu suliffeqarfiisa akornanni suleqatigiinnerunissaq qanoq siuarsarneqarsinnaanersoq.

3. Aningaasaqarnikkut suleqatigiinneq. Aalisarneq pillugu aamma imaanit pisuussutinit aningaasaqarnerup ilaannik allanik aamma nunalerineq pillugu suleqatigiinneq periarfissanik annertuunik imaqarpoq, soorluttaaq nukiit ataavartut aamma silap pissusaanut aaqqiissutit pitsasut, piujuartitsisumik tunngavilimmik takornariaqarneq, silaannakkut angallanneq aamma sanaartornerit pillugit suleqatigiinneq taamaattoq.

3.1. Islandimi Avatangiisinut, Nukissiuutinut Silallu pissusaanut ministereqarfiup aamma Kalaallit Nunaanni Nunalerinermut, Imminut Pilorsornermut, Nukissiuutinut Avatangiisinullu Naalakkersuisoqarfiup erngup nukinganik nukissiorfeeqqanik pingaartumik Tunumi amerlanerusunik ineriertortitsinissamut suleqatigiinnissamut periarfissat eqqartorniarpaat. Tamanna Islandimi Orkustofnun-imi nuna tamakkerlugu nukissiornermut oqartussaasut aamma Nukissiorfiit akornanni erngup

nukinganik nukissiorfeeqqanut tunngatillugu periarfissanik misissueqqissaarnissamut suleqatigiinnermik ilaqarsinnaassalluni.

3.2.Nunalerineq: Illuatungeriit Kalaallit Nunaata Islandillu aamma Islandimi Nunalerinermut ilisimatusarfiup Upernaviarsummilu ilisimatusarfiup akornanni suleqatigiinneq iluatsilluarsimasoq piulerseqqinnissaanut pitsangorsarnissaanullu periarfissamik misissuerusupput..

3.3.Takornariaqarneq pillugu suleqatigiinnerup ingerlaannarnissaa kajumissaarutigineqarpoq pingaartumillu Nuummi, Ilulissani Qaqortumilu mittarfiit nutaat naammassinissaannut suleqatigiinnerup ajornannngippat annertusinissaa. Takornariaqarnerup ineriartornerata iluani takornariaqarnerup ineriartornerani piujuartitsineq aningaasaqarnikkut, kultureqarnikkut, inooqatigiinnikkut avatangiisinillu soqtiginninnermik oqimaaqatigiissitsisoq, suleriaatsimut pitsaanerpaamut periusissianik najoqquṭassanillu ineriartortitsisinnaasoq qulakkiissallugu.

3.4.Business Iceland/Íslandsstofa aamma Visit Greenlandip akornanni takornariaqarneq pillugu suleqatigiinnermut isaaffissamik pilersitsineq. Assersuutigalugu avataani niuerfinni soorlu Asiami USA-milu pilerisaarineq pillugu aamma ataatsimoorluni soqatigisani allani suleqatigiinnissaq anguniarneqarsinnaavoq.

3.5.Issittumi aningaasalersuinerit siuarsarniarlugit suleqatigiinnissamut periarfissat misissorneqarneri. Suleqatigiissinnaaneq Kalaallit Nunaanni Islandimilu Naalakkersuisoqarfinni attuumassuteqartunit kiisalu Sulisitsisut aamma Business Iceland ataatsimut suleqatigalugit misissorneqassaaq.

3.6.Islandimi Takornariaqarnermut Siunnersuisoqatigiit/Business Iceland kalaallit aqutsisui suliniutit Islandimiut aqutsisuisa aallartissimasaat, soorlu takornarianut isumannaallisaaneq, sumiiffinnik eqqisisimatitaasunik illersuineq, takornarianit tikitassanik nutaanik ineriartortitsineq, artukkiissutinik agguataarineq, upalungaarsimanermut pilersaarutit aamma

ajornartorsiutit takornariat amerlinerisigut pilersinnaasut pillugit suliniutit pillugit Kalaallit Nunaanni suleqatigiissitsinissamut peqataanissaannik qaaqqusariaqarpaat.

- 3.7. Timmisartumik angallannermut mittarfinnillu nakkutilliinermut nunat taakkua marluk akornanni suleqatigiissutigisinnaasatut periarfissat aningaasallu ujartorneqassapput.
- 3.8. Sanaartornerup illuliornerullu iluani suleqatigiinnerunissamut periarfissanik misissuineq.
- 3.9. Inuussutissanik isumannaatsumik pilersuinissamut aamma nakorsaatnik nakorsaanermilu atortunik isumannaatsumik pilersuinissaq pillugit suleqatigiinnernik misissuineq.
- 3.10. Mingutsaaliuineq anguniarlugu teknikkerilerinikkut ilisimatuarsarnikkut nutaaliornikkulu aatitassarsiornermut atuumassuteqartut, tamatumuuna kuldioxidinik milluuasarneq toqqorsisarnerlu (CCS) ilanngulugit, suleqaatigiineq kaammattorneqassapput.

4. Silap pissusaata allanngoriartorneri aamma uumassusillit assigiinngisitaarnerat. Silap pissusaata allanngoriartornerisa nunap immikkoortuani maani maannakkut allannguutaasut nakkutiginissaat pakkersimaarnissaallu, tassunga ilanngullugit imartatsinnut sunniutaasa kiisalu silap pissusaata allanngoriartornerisa sunniutaannik pinaveersaartitsinissamut naleqqussarnissamullu aalajangersimasunik suliniuteqarnissat qitiutillugit ataatsimut suliniuteqarnissaq pisariaqartippaa.

- 4.1. Islandimi issittoq pillugu suleqatigiiffik (Icelandic Arctic Cooperation Network) aamma Nunatsinni nunani tamalaani arktiske hub

pisortatigoorerusumik suleqatigiinnerulernissamut periarfissanik iluaqtissanillu misissuinissaanik kaammattorneqassapput.

4.2. Aalisarneq imaanullu ilisimatusarneq pillugit suleqatigiinneq. Pisortat aamma Pinngortitaleriffimi immikkut ilisimasallit pingarnerpaat aamma Islandimi Imaanut Imermullu ilisimatusarnermut institutip (Hafrannsóknastofnun) akornanni aalisarneq ilisimatusarnerlu pillugit siunnersuinermik ataatsimiittarnernik ukiumut ikinnerpaamik ataasiarluni pisortatigoortungortitsisarnissamik innersuussineq. Ilisimatusaatinik suliaqarfiiit (Institutsit) akornanni aalisarnermut suliassaqarfinni assigiinngitsuni immikkut ilisimasallit sulinermut atatillugu pulaartoqarsinnaapput. Aalisarnermik imaanillu ilisimatusarnermit paasissutissanik nutaanik, attuumassutilinnik akuttunngitsumik paarlaasseqatigiittarfissamik kanalimik pilersitsisoqartariaqarpoq.

4.3. Illuatungeriit marluullutik nukiit ataavartut niuernermilu atugassarititaasut tunngavigalugit erngup nukinganik nukissiorfinnik pilersitsinissap suleqatigiissutiginissaannut periarfissanik, issittumi silaannarmik illersuinissamut siammasinnerusumik suleqatigiilernerup ilaatut misissuisariaqarput.

5. Suaassutsit naligiissitaanerat. Suaassutit akornani naligiissitaaneq pillugu aamma suaassutinut tamanut assigiinngisitsinerup akiorneqarneranut sulineq ilisimatusarnikkut angusanik aamma immikkut ilisimasaqarnermit paarlaateqatigiinneq pingarnertut ilaavoq. Tassani ilaapput assigiinngisitsinermut akerliunermut inatsisip ilusaa pillugu misilittakkanik suleriaatsinillu pitsaanerpaanik paarlaasseqatigiinneq, suaassutit tamaasa eqqarsaatiginissaat illersornissaallu, suliffeqarnermi suaassutsinik immikkoortitsineq qanoq akiorneqassanersoq, inatsimmi suleriaatsimillu pitsaanerpaamik

**suaassutsimi assigiinnginnermik naligiissitaanermillu
eqqarsaatiginninneq, kiisalu arnanut kinguaasiutitigut suaassutsitigullu
atornerluisarnerit pinaveersaartinnissaannut periutsink
pitsaanerpaanik paarlaasseqatigiinneq arnallu peqqissutsimikkut
kingunerluutaannik ilisimatuutut misissuineq.**

5.1.SAGA-kohorten (inuit amerlasuut ataatsimoorfeqartut) pillugu
saqqummiussineq, arnat peqqissusaannut ajoquernernit
kingunerlutsitsinermik nuna tamakkerlugu misissuineq asseqanngitsoq,
kalaallinut soqtiginnittunut tunniunneqassaaq. SAGA-kohorten Islandimi
Universitetimi nakorsaatinut ilinniarfimmi ilisimatusartunit deCode Genetics
kiisalu suliassaqarfimmi nunami nunanilu tamalaani immikkut
ilisimasaqatigiit siuttut suleqatigalugit aaqqissuunneqarsimavoq. (Islandimi
Universitetimi inuit peqqissusaannut instituti).

**6. Ilinniartitaaneq ilisimatusarnerlu. Ilisimatusarnermik,
ilinniartitaanermik aamma inuussutissarsiutinut ilinniarfinnik
illugiilluni suliniutit assigiinngitsut kiisalu illugiilluni ilinniartunik
ilinniartitsisunillu paarlaoaqatigiittarnerit suleqatigiinnermut ilusiliussat
iluatsereernikut ineriaartorteqqinnerisigut pitsanngorsartariaqarput.
Tassani ilaapput imaanit pisuussutinit aningaasaqarnermut,
nunalerinermut peqqissutsimullu immikkoortumi suleqatigiinneq.**

6.1.Peqqinnissaqarfik suleqatigiinnerlu peqqinnissaqarfimmi sulisussarsiorneq
pillugu. Nunani allani peqqinnissaqarfimmi sulisunik, matuman
ilanngullugu peqqissaasut nakorsallu Islandip misilittagaqarfigai.
Ilisimasanik misilittakkanik avitseqatigiinnermik suleqatigiinneq
siunertaqarpoq aamma nunani allani peqqinnissaqarfimmi sulisunik
sulilersitsinissamik akuunerulersitsinissamillu suleqateqarneq
siunertaqarpoq. Ataatsimoorluni sulisussarsiorluni suliniuteqarnissamut

periarfissat misissorneqassapput. Sammisat allat pillugit suleqatigiinnerusinnaanermut periarfissat taamatut qulaajarneqassapput.

- 6.2. Peqqinnissaqarfimmi ilinniartitaanerit. Peqqinnissaqarfimmi sulisut inuuneq naallugu ilinniarnissamik pisariaqartitsinerat pillugu suleqatigiinnermik siammeriffik misissorneqassaaq.
- 6.3. Islandimiut nunalerinermut universitetiata nunatsinnilu nunalerinermut suliassaqarfiup akornanni suleqatigiinnissaq kajumissaarutigineqassaaq.
- 6.4. Nunat taakkua marluusut allaffeqarfisa ilinniartunik ilisimatusarfinnilu ilinniartitsisunik paarlaasseqatigiittarnermi isumaqatigiissutit atuuttut tapersersuinissamullu suliniutit saqqummiutissavaat tassuuna Kalaallit Nunaanni Islandimilu ilisimatusarfinni qaffasinnerusumilu ilinniarfinni allani paarlaasseqatigiinnernik siuarsaaniarlutik.
- 6.5. Nunatsinni Naalagaaffinngornissamut Nunanullu allanut Naalakkersuisoqarfik suleqatigiinnissaq ilisimasanilluunniit avitseqatigiittarnissaq anguniarlugu Sisimiuni Arctic DTU-p aamma Islandimi ilisimatusarfiit attuumassutillit (Reykjavikimi Universiteti periarfissatut taaneqarpoq) akornanni attaveqaqatigiiffiussaaq.
- 6.6. Eqqumiitsulionermik Ilinniarfik/Nuuk Kunstscole, Nunatta Isiginnaartitsinermik Ilinniarfia/Skuespillerskolen aamma Islands Kunstakademie akornanni siunissami suleqatigiissinnaanermut periarfissaq kajumissaarutigineqassaaq.

7. Kulturikkut suleqatigiinneq. Nunatut mikisutut kinaassutsitta oqaatsittalu piujuartinnissaannut kulturerput suli pingaaruteqarluinnarpoq. Inuit akornanni attaveqaqatigiinnerit siuarsarnissaat nutaaliornermillu suliaqartut nunat marluk akornanni suleqatigiinnerup pitsangorsarnissaa anguniagaapput.

- 7.1. Islandimi ilinniartitaanermut oqartussat tunngaviusumik atuarfimmi atuartunut naleqquttunik atuartitsissutinik Kalaallit Nunaannut tunngasunik siuarsaanissaannik kajumissaarneqartariaqarput. Atuarfinnut oqartussat Islandimiut kalaallillu tunngaviusumik atuarfinnut tunngasutigut qaninnerusunik, assersuutigalugu ataatsimoorussamik sulinuteqarnikkut attaveqaateqalernissaannik aamma kajumissarneqartariaqarput.
- 7.2. Islandip Ilinniartitaanermut ministeeriaqarfik, Islandimi Kalaallit Nunaannut aningaasaateqarfik aamma Icelandair suleqatigalugit tunngaviusumik atuarfimmi klassetrinimi kingullermi atuartut akornanni Kalaallit Nunaat pillugu ukiut tamaasa allaaserinninnermik unammisitsisalertoqartariaqarpoq. Allaaserinnilluarnerpaamut eqqugassaaq tassaassalluni Kalaallit Nunaannut angalaneq.
- 7.3. Nunat taakku akornanni nipilersukkanik nipilersortartut paarlaasseqatigiittarnerannut programmiata uummassaqqinnissaa peqataasut marluusut kajumissaatigissavaat.
- 7.4. Illuatungerit Katuaq, Nuuk International Film Festival aamma kalaallit filmiliortartut kattuffiat Film.gl RÚV-mik aamma Bió Paradís-imillu oqaloqateqarnermikkut ukiumut ataasiarluni Nuummi islandsk filmfestivalertsinissamut Islandimilu kalaallit filmiliaanut tunngasunik aaqqissuussinissaanut kajumissaarusuppaat.
- 7.5. Filmilornermut, filmilornermi sullissinerit nunanilu tamalaani filmiliortartunut tunngatillugu suleqatigiinneq kaammattuutigineqassaaq.
- 7.6. Nunat taakkua marluusut akornanni eqqumiitsuliornermi kulturimilu qaninerusumik suleqatigiinneq, paarlaasseqatigiinneq, avitseqatigiinneq ilinniartitsineq nalinginnaasumik siuarsarniarlugit kaammattuutigineqassaaq.

- 7.7. Islandimi Kalaallit Nunaannut aningasaateqarfik aqqutigalugu Kalaallit Nunaannut tusagassiorfinnut angalanissanut ukiumoortumik stipendianik marlunnik neqerooruteqartoqartariaqarpoq.
- 7.8. Islandi Kalaallit Nunaatalu akornanni timersornikkut suleqatigiinneq annertusarniarnissaa anguniarlugu missiusoqassaaq parlatseqatigiinneq ilinniarfioqqatigiinnerlu siunertaralugu. Nunat avannarliit kiillit tamarmiuullutik suleqatigiissutiginissaat isumaliutigilluarsinnaasariaqarpoq.
- 7.9. Kalaallit Nunaata Islandillu akornanni kulturikkut paarlaasseqatigiinnermut tapersersuisinnaasutut illua-tungeriit tamarmik timmisartuutileqatigiit pilerisarniarpaat. Oqaatigineqassaaq, inuiaqatigiinni inuinnaat kattuffiinut, matumani ilanngullugu kulturimik ingerlatsisunut Air Greenland Icelandair- lu tapersiissumik programmeqarmata.

**Nunanit taakkunannga marluusunit qaffasissumik atorfilittat
suleqatigiissitat 2013-mi pilersinneqartut, ukiumut marloriarlutik
ataatsimiittarniarput, taakkunannga aappaani qarasaasiaq aqqutigalugu.
Ataatsimiinnerit akornini pisariaqartutut nalilerneqarpat atorfilittat
inuttut naapillutik imaluunnit qarasaasiakkut ataatsimiissinnaapput.**